

Lehekuu
17. päiv
2011

Nummör
10 (231)

Leht mass erälde ostõn
0.32€ (5.01 kr)

UMƏ LEHT

VANA VÖROMAA RAHVA UMAN KEELN LEHT

**Allasõ Tiia: võro keelen saa
ka kolmnukkõst kõnõlda**

Kae lk 2

**Kuis savvusanna
palamist är hoita**

Kae lk 3

**Ruitlanõ: ku egäüts and
euro, teemi suuri asjo!**

Kae lk 4



Võrokõsõ otsõva ütist «mütsü»

HARJU ÜLLE
ylle@umaleht.ee

**Vana Võromaa umavalit-
susõ tulõsi ütistelt kul-
tuuriasju ajama pan-
da, löudse riidi Rāpinā
tsõõriklavva takan istnu
võrokõsõ umavalitsui-
sist ja Riigikogo vana
Võromaa tugõmiserüh-
mäst.**

«Kihlkundõ sech võinu ināmb kuuhtüüd olla, et kihlkundlist identiteeti tugõvambas tetä,» kõnõl Orava vallavanõmb Plakso Ülo, kink vald jääs Põlva maakunda, a Vahtsõliina kihlkunda. «Mulke ja setodõ ütine lobitüü om väega hää, valla tegevä ütchkuuh tüüd. Mi pidānū kah kokko kutsma kõik vana Võromaa vallavanõmba ja pidāmā tsipakõsõ plaani, kas olnu mõistlik ütch kultuuri tukõ ja mulke-setodõ päält snitti võttõh ütine organisatsioon kokko panda. Kokko mindäs sis, ku tuu om kasulik

ja ku nātās kassu, sis pandas ka raha ala.»

«Kõik kihlkunna võinu tetä säänest tandsu ja lauluga kihlkunnapäivā nigu Urvastõ kihlkund tege, sis olnu väke ja võimu,» arvas mano Rõugõst peri riigikogolanõ Kõva Kalvi.

Võro maavalitsusõ arõngu- ja planiirmisosakunna juht Allasõ Anti kiit, et Riigikogon teti är vana Võromaa tugõmiserühm ja et om tulnu sõnomit, et riigil om võet tsiht tetä vana Võromaa regionaalrõngu programm.

«Põlva maakunnan om märk «Rohelise elu» ja Võru maakunnan «Uma mekk», kats esisugumast asja, mõlõmbat pidānū pruukma tervel vanal Võromaal,» ütelf tē. «Tulõssi kultuuri võtta laembalt ku õnnõ kiilt, ka umma süüki ja muud, mis võrukõsõlõ saa leevä lavva pääle tuvva. Kuis tuu häste tüütās, näütās setodõ kogõmus, kon om joba uma söõgi pakja firmagi är tetüü.»

Rāpinā kandist Leevakult peri riigikogolanõ Mälbergi Meelis ütelf, et om tähele pandnu tuud, kuis Eestin om



Võrokõisi tsõõriklaud tõi kokko härksāmbāt rahvast egäst vana Võromaa nukast.

HARJU ÜLLE PILT

muutunu pilt mi kandist: ilõdu veeremaa asõmõl nātās esimuudu maanukka, kon om hää ellä. «Kõik saami kuun tuud mõtõt vällapoolõ kanda, et tan elāse häste toimõ tulõja inemise, kes tahtva tan ellä. Sõs tahetas ka meile küllä tulla,» arvas tē.

Viil olf tsõõriklavva takan juttu tuust, et vanavanõmba omma viil perāmādsē, kiā saava umma kiilt latsilatsilõ edesi anda, tuuperäst võissi nā latsilatsiga julgõmbalõ tuud kõnõlda. Misso vallavanõmb Peegli Urmas arvas, et nuurilõ pidānū olõma ināmb võrokec-

list popkultuuri, latsikirāndüst ja mille ei ka võrokeeline seebiseriaal telen.

Orava vallavanõmb nõst üles teema, et lānnū vaia vana Võromaa sümboolikat – lippu, vappi jnc –, nigu setodõl ammu olõman om. Tuud asja lubasi paiga pääl olnu inemise ütēn edesi aia.

Tsõõriklavva päämine märgotamisõ teema – kuis vana Võromaa saanu hāän mõttõn silmā jäiä – tunnus inemiisile tähtsä. Tuud näüdās kokkotulnuidõ arv (60), tuusiān riigikogolasõ, vallavanõmba ja arvajamba inemise egäst vana Võromaa nukast.

Ütsiotsõ tekõ plaadi

Miichi regilaulupundil Ütsiotsõ (Kalla Urmas, Sommeri Lauri, Kalkuna Andreas ja Kolga Kaspar) tullf vällä edimāne plaat «Puulpäiv», midä näüdātās kõgõpāält seo riidi Tarton Regiüül.

«Sāäl ommava pääl lõuna-cestikiilse laalu ja mõnõ luudõhelü,» kõnõl ütõ laulumii, Rāpinā kihlkunnast Mchikuurmast peri Kalla Urmas. «Sõna ommava osalt kokko pantu mitmõ esi laalu sõnnõk ja mõni rida ka hindāl mano luudo, a mi tunnõmi sõski, et oleme sii lõunacesti laalu jakkaja.»

Kalla Urmas ütelf, et suur jago laulõ om peri Rāpinā kihlkunnast ja Lõuna-Tartomaalt, ütõsjago ka Tsiberist seto küllist ja om ka ütõ Vahtsõliina laul. Tsiberi laalu kuuldf ja võtff üles Kalkuna Andreas, tōsõ laalu omma kofadu Eesti kirāndõsmuusõmüst.

Sõna omma suurõlt jaolt Hurda Jakobil Põlva kihlkunnast ja Setomaalt üles kirotõdu.

Kõik 15 laalu omma Urmasõ sõnno perrä esisugumadsõ ja et nāist saa ummamuuudu nādālitsõõr pääle, sis pantigi plaadilõ nimes «Puulpäiv».

Plaadi and vällä MTÜ Haki

Helü. Vana-ao näolidsõ kujondusõ tekõ Kalkuna Andrus, tuu man om pruugit 1912. aastagast peri pilte Eesti kirāndõsmuusõumi kogost.

UL



Pikākannun om muusõumitarõ

Riidi, 20. lehekuu pääväl kell 15 tetās Lasva vallan Pikākannu seldsimajan vallalõ muusõumitarõ, miä tege tutvas paiklikku aoluku.

Muusõumitarrõ om asā kokko kofanu aoluu-uurja Ojala Uuno, tarõkõsõ om kujondanu kunstnik Lauritsa Piitre. Paikligu inemise saava tarõ jaos asjo mano kinki, ettevõtmisõ vidājil saanu tuust hää miil.

Muusõumitarrõ tegemist tugiva Leader-programm, vald ja kogokund. Tarrõ saa kaema tulla, ku lepitü inne kokko tel 502 8783.

UL

Tii vanast vahtsõnõ!

Sānnā kultuurimõisa uut seo kuu lõpuni (31.05.) võistlusõlõ vahtsõ elo saanuid asjo.

Võistlõma oodõtas pruugitust kraamist meisterdēdūd asjo. Asā võinu olla elon tarviligu ja umanõlidsõ.

Võistlusõ pääavvohind om talgupäiv asā meisterdējā man. Põnõvambist asõst tetās pildināütüs.

Võistlusõ kõrraldaja Keerbergi Liisu käve vannost asõst tetüüd vahtsit asjo kaeman Võrol Grossmanni Triinu man ja sis viil timā esā man Rõugõl.

«Mõlõmba omma säändse nutiga meisterdējā, et miil lātõ õkva hāās, ku näide asju näi,» ütelf Liisu. «Triinu kotun olf egān nukān mõni sääne asi. Nāütüses saapariiu om tetüü katõst vanast pakust, lavva vahelõ pantu ja keskotussõ pääle ütõ halg kah viil hoitma, et saa pääl istu. Vannust pliidikivvest olf tetüü dušinukk, kapikõsõst valamukapp, tünnilavvakõisist riiu. Õlilamp om elektri pääle ümbre tett, kõõgilavvakõnõ om pantu jalaga ummõlusmassina pääle ja nii edesi... Nā omma mehega mõlõmba tegijā, avitasõ ütõstõst kas tegemise vai

idec vällämärgotamisõ man.»

Triinu esā Grossmanni Are koton om tetüü puuvõidämises suusõst ja lavvaplaadist riikene, jala pääl tuhatopsi, hāll (puuplaadi lehmäkette otsan ja kere määndsestki vanast ravvaplangust), om kokko keevitet grill-ja suidsuahjõ (nāütüses toolijalgost ja tsiaruhest; gaasiballooni jalast ja lambikuplist).


Triinu olf Liisulõ sändse elovii kotsilõ ütelnü: «Ku joba võtat sändse tsihi, et osta-i asju, sis kaetki ümbretsõõri, et mis passis. Olõ-i rahha asju osta, ja ku ostattki, saat sändse, määne tõiõsilgi om.»

Triinu arvas, et ku kaema naada, om maal egälütel säändsit esi kokkopantuisi asjo.

Nii et ärke hābendāge, andkõ hindā tetüüst asõst Keerbergi Liisulõ teedā! Tā tulõ esi paiga pääle kaema ja pilti tegemā. Uma asā pakmisõs kõlista tel 5820 3730, kirotā kultuurimõis @kultuuritehas.ee vai Sānnā kultuurimõis, Sānnā, Rõugõ vald, 66710 Võromaa.

UL

Ülemidse pildi pääl om Grossmanni Triinu dušinukk ja alomadsõ pääl Grossmanni Are puutumisõ riikene.



KEERBERGI LIISU PILDID

